

7
br 73/92

ODBOR ZA ZAŠTITU LJUDSKIH PRAVA I SLOBODA NOVI PAZAR, SANDŽAK

ADRESA OSMANA ĐIKIĆA BR 2 – 36300 NOVI PAZAR, SANDŽAK – TEL./FAX 0038 20 29 312

6.11.

199² god



Muslimani svakodnevno i dalje masovno, pred sve očiglednijom opasnošću od izbijanja ratnog požara, napuštaju Sandžak i odlaze put izbjegličkih logora širom Evrope. Najnoviji događaji u nekim sandžačkim opštinama u kojima su opet brutalno ubijani Muslimani i paljeni i uništavani njihovi domovi i imovina, unijeli su nove, dodatne nemire i strah u ovaj narod. S druge strane, ratnohuškačka propaganda svim sredstvima perfidno priprema teren za obračun sa Muslimanima i pretvaranje Sandžaka u novi krvavi poligon. Mjesecima već traje smišljena kampanja protiv Muslimana, izmišljaju se podaci o njihovom naoružavanju i pripremama za rat. Poslednjih dana se već govori o dolasku navodnih "džihad ratnika" koji i ovdje treba da zapale fitilj rata kako bi se na neki način opravdale sve aktivnosti oko stalnog gomilanja vojske po sandžačkim gradovima i selima i njihove "vježbe". Stalnim i smišljenim pritiscima širom Sandžaka želi se unijeti strah u narod, pospešiti njegovo iseljavanje, te neprestanim "incidentima" isprovocirati sukob i dobiti "opravdanje" za konačno etničko čišćenje i ovih krajeva.

Obraćamo se domaćoj i svjetskoj demokratskoj javnosti s apelom da konačno shvati da se priprema nastavak genocida i da zaustavi planirano etničko čišćenje Sandžaka i nestanak jednog naroda sa tog prostora. Moćna i iskusna ratnička mašinerija je za to već odavno spremna. Ona samo čeka "mig" svojih naredbodavaca da sprovede treće, završno i definitivno, etničko čišćenje Sandžaka u ovom vijeku.

